

序

天下之因人成事者豈偶然哉往往有
失之意中而得之意外者余宰漢陽而
漢陽志適成及宰江夏而江夏志又適
成皆前乎我者草創之討論之修飾而潤
色之余未嘗稍致力也乃邑人士曰志之成
亦甚難矣時閱四五年官經五六任今日

江夏縣志

卷一

序

一

始行告事備一若待公之來公不來而
事猶未必集也余曰否否雖然亦余之
至幸也邑宰未下車父老百姓皆喁喁
望新政而宰顧於邑之山川土田民風習
俗懵然一無所知則舉措鮮有合者况
地經兵燹事多變更廢墜未修瘡痍
未復不有所考政將奚先則志之有裨於

宰者實多余安敢不尸其成而猶欲倭

之於人乎江夏附省治當咸豐中城陷
至再三不獨邑中文籍蕩然即大府憲司
亦皆圖書散失十數年來粗有理緒而
規制弗備諸上官率作興事而宰或瞳乎
其後不能有所祇循烏乎可昔先君子
來仕之初值寇氛逼省城城中人率皆

江夏縣志

卷一

序

二

避去先君子獨毅然緣城入時將軍陶
文節公嘆為未見因婉詞慰之使去以
候補員無守土責危城不可保故不欲強
為無益之留而先君子蹈仁成義卒與
陶公同及於難嗚呼小子不才倖宰斯土
徵求烈績慨昔時人事之違邑有耆舊猶
能詳言之敬謁昭忠祠瞻仰粟主堂廡間

幾不能容因嘆忠義炳如日星姓氏皆垂諸邑乘在當日雖若不幸而千載後遂為斯土之光然猶或恐漏遺是則後來者之責也故與邑人士復加采訪而於忠孝節義尤兢兢三致意焉至吏治政績前有可師利弊興除必協于眾愛我者匡其不逮俾無遺先人羞則余之因

江夏縣志

卷一

序

三

人成事又不止志之一端豈不幸哉

同治八年春二月知江夏縣事錫山王庭楨



序

志之善者朝邑武功尚已後人不能及其高簡非特文不古若亦以盈廷聚議不比閑戶著書也江夏縣志修自乾隆中及今近百年矣兵燹後故籍

江夏縣志

卷一

序

一

無存僅求得舊志殘本亟謀所以修之家味之少宰諾邑侯恩公之請而慎於改作艱於集費將因陋就簡而為之未及成書而赴官

闕下於是邑侯朱公復以屬粒之不敏無能

為役然邑之老成凋謝後起者皆不肯
不讓予不得已而勉從事焉按舊志失
之蕪雜不可為典要於文獻不且幸猶有
此一編在可因者因之當損益者損益之
其必不可存者則削去之如

國朝無封建而舊志有封建一門且於前
明楚藩英耀弒逆大故詳載其事非以示
戒祇以彰穢非志體也又藝文類蒐采無
義桂漏貽譏如熊襄愍公奏議全集具在
美不勝收而獨取繳尚方劍一疏其義安

在又有襄愍公論一首此蜂撼樹妄肆譏
評言者固屬無知錄之尤為寡識此則鄙
心所不能漠於者也抑孝為志所最重
而採訪未確有濫則必有遺之者可以復
登濫者無從別擇今以已旌者悉收入

志未旌而年例已合或年未合例而其
人已故亦志之唯年未合例而其人現存
別錄姓氏以待後次之補采其節義殉難
姓氏亦別錄以異於有傳者雖善之從長
亦懼弑缺之似玉耳藝文先已刻成略加

刪汰餘仍其舊而別為文徵重違少宰之意
 也予不敢臆見自用嘗取法於他郡縣志而
 視朝邑武功則邈焉不可追矣志成於同治
 己巳時宰邑者為無錫王公庭楨前邑侯恩
 公榮陳公汝蕃朱公榮椿恒公琛皆有力

江夏縣志

卷一

序

為倡也者邑人彭久餘成也者邑人彭莊蘇

也



江夏縣志

卷首序文

卷一

目錄

姓氏

凡例

圖說志一

疆域 城池 學校 衙署 名山 大川 四

卷二

疆土志二

沿革 郵驛 鄉鎮 關隘 津梁 山川 鄉

附古蹟

江夏縣志

卷一

目錄

職官志三

知縣 教諭 訓導 縣丞 巡檢 典史 營

卷三

賦役志四

編伍 田則 倉儲 額徵 戶口 屯糧 改漕 鹽

地款項 義莊 新增 釐課 魚課 楚

禮樂志五

慶賀 禮節 春秋 丁祭 禮節 祭壇 廟禮節 雜

賓典禮 廟 陵墓 附

學校志六

又廟 建置 源流 兩廡 新增 從祀 名宦 祠

學院 下學 講書 舉報 優劣 學田 書院 義學 附

卷四

選舉志七

薦辟 恩貢 詔舉 進士 舉人 拔貢 武進士 武舉 封

贈 嚴欽 廕襲何恩
榮姓氏 援例姓氏附

卷五

兵備志八

專城 分汛 民兵 弓兵 捕快 塘報 鄉團

刑法志九

監獄 刑具 配犯 秋審 決囚 盤詰 夜

風俗志十

習尚 文風 歲時 昏喪 農事 商賈 物

卷六

人物志十一

忠臣 孝子 政績 文苑 行誼 武功

卷七

人物志十一

列女 節孝節義附

卷八

江夏縣志

卷一

目錄

二

藝文志十二

欽頌書籍 御製詩文 先賢著述 名臣奏議 近人遺集 古蹟匾題 金石

石更 采

雜誌十三

祥異 流寓 藝術 方外 邪教

修志銜名

主修

補用知府兼襲雲騎尉江夏縣知縣王庭楨 江蘇無錫副榜

總纂

按察使銜前署雲南迤西道彭崧毓 乙未翰

分纂

候選

復設

教

論王耀唐 邑貢 恩

五品

銜升

用教

論陳瑞珍 邑附貢

六品

銜試

用訓

導周賓賢 邑附貢

中書

銜候

選訓

導劉年華 邑廩生

江夏縣志

卷一

三

邑

附

生汪有卓

提調

前江蘇

補用

道袁太華

收掌

候選

從九

品甘守信

校刊

同知銜前湖南新化縣知縣龍霖 邑拔貢

候選

復設

教

論陶尚治 邑貢 恩

松滋縣

教

論夏惟屏 邑副榜

採訪

運	同	銜	候	選	訓	導陳良弼	<small>邑廩生</small>
侯						導陳柏材	<small>邑廩貢</small>
邑			增			生田開藩	
邑			廩			貢錢桂林	
邑			附			貢趙廷璧	
邑			廩			生夏建寅	
邑		職				生胡采章	
邑			廩			生張宏文	
邑			附			生馬繼良	
邑			附			生張伯堦	
邑			監			生戈贊唐	
國子監	學	正	銜	候	選	導祝 烜	<small>邑附生</small>
前	署	襄	陽	府	訓	導胡樹棠	<small>邑廩貢</small>
孝		廉		方		正桂林嵩	<small>邑監生</small>
邑			附			生蕭卿雲	
邑			監			生許作津	
邑			武			舉劉畏三	
邑			附			貢蕭煥斌	
邑			附			生鄭士名	
邑			監			生湯 深	

江夏縣志卷一

四

江夏縣志凡例

縣志一書府志省志一統志之所本也一縣無志則一府之疆域不明即天下之方隅不備此修志所以為地方之急務而亂後文獻無徵成憲安在有心求治者靡所考究兢兢焉唯恐失墜故在今日尤為必不可緩江夏縣志修自乾隆五十八年至於今星紀已六周矣縣經兵火既久官私書籍蕩然一空乾隆以前舊志不復見唯最後之陳志僅存大約本於張潘諸志而采輯未精不可為典要咸豐初聞續修未成殘稿亦屢求無獲今據陳志正其體例刪其繁蕪分門別類文滅事增非僭也將求為有用之書也作例言

江夏縣志卷一

凡例

一

左圖右史相須為用上而星躔下而方域皆可按圖而稽也然星野之紀唯一統志為宜方志不得效之當以疆域為首城池宜圖疆界宜圖學校官署宜圖名山大川宜圖方今海內用兵將帥必先知地利故輿圖之刻日益精詳江夏為水陸交衝一方雄鎮寇氛迭擾郊壘未平山川阨塞之形道里遠近之數前圖後說指掌瞭如庶於流覽有裨不比繪飾觀美為也志圖說第一

圖既具矣而有沿革之不同制有古今之互異必著之表而沿革可以知別其名而古今可以證營建或因時而改捍衛或經變而增城池解署不必皆舊矣山鎮宜知所宗主川

澤不取乎細流支分派衍悉統於尊矣郵驛不詳無以知遠
近村聚不載無以辨民居盜賊必有所藏故林藪雖僻而弗
畧商旅必有所寄故市廛雖小而必書志疆土第二

有土而後有守土之官唐以前皆曰令長貞元以後始有知
縣之名至宋初始普設知縣建隆四年詔選朝士分理劇邑
重其任也今科目中進士舉人皆例得選知縣俊秀中有才
能者援例亦可知縣然其初皆曰試以百里之命不輕寄
也江夏爲布政使治所憲司臨於上百姓視聽於下宰是者
曷敢忽諸校官重品學承尉尙才能皆所以成一縣之治也
故知縣以次有教諭訓導有縣丞巡檢典史有大小營弁各

江夏縣志卷一

凡例

二

稱其職邑庶無廢事焉志職官第三

官者政教之所從出也政莫大於催科教莫先於撫字撫字
寓於催科之內斯無暴斂無橫征寬一分民受一分之惠真
所謂爲民父母者矣我

朝深仁厚澤賦稅最輕偶遇偏災卽蒙

蠲恤故旱潦雖所時有而小民幸免流亡近因各省軍興度支不
給猶不忍行前朝加賦之令第於征收商稅酌議抽釐釐者
千一之名較什一而輕且百倍猶累蒙

明詔下頒毋許虐取果皆遵守法度道路且有頌聲此良有司所
當留意者也志賦役第四

聖諭春秋釋奠

學宮肅

治賦可使足民而禮樂必俟君子職猶有闕也朔望宣講

萬壽之慶儀序百神之秩祀勞農勸相勿廢田功禱雨祈晴動關

民事凡此皆典禮所係卽敬怠所分不有遵循何由取則至

鼓祠野廟非徧祭之所賅梵宇仙宮有

中祀之特異是亦宜分別焉志禮樂第五

禮樂之興其必由學乎

國朝尊師重道

詔天下修建學宮

江夏縣志卷一

凡例

三

列聖宸翰褒題殿庭輝映雖經兵燹規制重新多士沐浴

湛恩增加學額中額菁莪棫樸之盛必有人才應運而生貢院號

舍添營書院講學不輟皆所以仰體

作育之化也城鄉義塾養蒙卽以恤貧膏火資興憐寒因之勸士

鄉賢名宦附祀忠義孝弟有祠正人心資觀感也志學校第

六

國家養士於學將以備登進之用成大受之材也故科歲考必

比年一貢三年必一鄉試十二年必一選拔而文行之最優

者三年又必一貢而難其人則爲數至少在科目中尤可貴

朝廷每行慶典必有加科

御極之初必

詔舉孝廉方正此又薦辟與科目並行故碩德名臣後先相望江
夏科第既盛氣節尤多前代如熊襄愨賀文忠尙已近時若
劉勤壯之殉難廬州温壯勇之孤守六合尤爲傑出温不由
科目而才行爲

九重所知是何異於薦辟哉志選舉第七

有文事者必有武備知縣無治兵之責而城池倉庫責有專
歸地方猝遇盜賊竊發先事疎防處分綦重故縣設民壯典
史設捕快巡檢設弓兵皆制度之豫善也詳報盜案必問有
無營汛激臺而修理驛站塘房亦係縣中之事兵糧出於民

江東縣志

卷一

四

賦牧厥常礙民田文武相資誰謂知縣不當治兵哉江夏附
麗省城督撫標營咸在而提標又有城守專營校閱精強足
資捍衛然而城經三陷果誰之咎與今亂既定矣追思疇昔
能不驚心敢爲越俎之謀聊慎覆車之鑒志兵備第八而以
兵事附焉

兵亂之後盜賊滋興散勇逃兵尤多桀悍劫奪是其慣技恃
眾易於抗官故欲止其風不能拘守成法新例許就地正法
刑亂用重因時制宜然非永久遵行之

功令也夫捕嚴則盜息訟理則刑清法令者治之具而非致治
清濁之原蓋貴能通其意也

朝廷慎重人命幾經勘訊而後獄成乃知縣視如草菅或武健尙

嚴筆楚且酷於刀鋸或草率定斷冤誣莫白夫覆盆上千天
和下聚民怨致亂之故未必不由於此古之爲政者必曰廉
平平者無枉無縱之謂也志刑法第九

有政治然後有風俗風俗厚斯人心正矣江夏土田磽瘠民
皆勤苦治生比戶絃歌士多嚮學而尤以廉隅自重有行檢
不飭者取輒鄙之亂後者舊習零典型寢失是所望於有轉
移之責者至地居省會漢口鎮僅隔一江向來奢靡之風盛
於吳粵比因物力艱貴稍遜從前由奢入儉難由儉入奢易
難易之故尤不可不杜其漸也志風俗第十

江夏縣志

卷一

五

江漢靈秀所鍾江夏尤爲首善生斯土者追慕前哲不勝高
山仰止之思焉舊志人物多采江夏郡人省志辨駁甚夥此
無足深論也周有八士或曰成王時人或曰宣王時人兩存
之何必固執況名賢爲邦家之光非閭里之榮古人不出戶
庭而志在天下非若後世以籍貫爲爭競何所見之不廣也
名宦必詳其政蹟文苑必擷其精英凡忠義之紳民節孝之
列女有事實則傳以彰其美無列傳則表以存其名此亦舊
例也志人物第十一

志書濫收藝文最爲晚近通病班志所載第著其卷目不錄
其文是史例也其有關繫者分注於各門以資考證亦史法

也

列聖頒賜

欽定諸書藏在學宮校官守之今經兵火無存應請

補頒敬志其目

御製訓州縣文訓士子文及

聖諭廣訓十六條禁習邪教四言韻文並蠲賦緩征廣額加科各

恩詔均分載於職官學校賦役諸門而奏疏之可錄者亦附焉至於

舊志首冠前代帝王之作而於

本朝

御製會未之及非體也金石剝泐鮮有存者然吉光片羽斷壁零

江夏縣志卷一

凡例

六

璣亦良可寶志藝文第十二

舊志有雜志一門多載怪誕不經之事出於稗官小說無所

取義不足傳疑也方今

聖明在上邪說誠行之作不容於下間有一二足惑人心者方救

正之不暇奚可推其致而助其瀾乎故削去之唯近有可取

以垂戒者著之於篇而以古蹟仙釋方伎諸門擇事之近理

文之雅馴者附焉仍其目曰雜志第十三

江夏縣志卷一


圖說志一


疆域 城池 學校 山名 名川 大川 四汛

圖之有說猶書之有注也書義之晦者藉注以明之圖無說與無圖同山川之險易原隰之高卑道里之遠近村落之大小圖所不能盡者皆繫之以說求其瞭然於目者靡不犁然有當於心此周官土訓誦訓之遺意也詳言之毋敢忽

江夏縣志卷一

疆域圖說






江夏縣志 卷一 疆域圖說

古者封建之世大國地方百里次七十里小五十里今一縣所治恒數百里視古侯國過之縣宰曰知縣則四境之外非所敢知四境之內不敢不知也江夏東接武昌西界漢陽南鄰咸甯嘉魚北連黃岡水陸所至犬牙交錯東八十里曰新店武昌縣之西界也西渡江七里以鸚鵡洲為限洲盡則漢陽縣界也南陸路一百二十七里曰賀勝橋交咸甯縣界水路一百二十里曰陶家馬頭交嘉魚縣界北八十里曰界埠河在江之左曰沐鵝洲在江之右左為黃岡縣境右則武昌縣屬也知縣下車親歷四境民情風土無不周知故好惡同

民易於為治第江夏首稱劇要庶政殷繁啓處不遑有足所未至者矣然而耳目無蔽雖僻遠如在几席之前向風而呼按日而計則斯圖曷可少也驛站詳郵道表

江夏縣志 卷一 城池圖






江夏縣志 卷一
城池圖說

江夏縣城實即湖北省城非知縣所得而私有也咸豐中寇三陷城初次殉難者自巡撫而下多以節著而知縣繡麟與典史楊瀚為尤烈焉後此則狀官有殉有不殉者而知縣則皆委而去之蓋其視此一城為上官之所共有平時之啓閉臨事之巡防皆不使知縣與其責無惑乎視同秦越而休戚不相關也雖然城池所以衛民也知縣為親民之官親民斯愛民愛民斯衛民懲前事之非忘後來之患網繆未雨誰曰不宜城有九門南曰望山北曰武勝東南曰保安曰中和東曰賓陽曰忠孝西曰文昌曰平湖曰漢陽東南通陸路西北


則臨江也倚山為城帶江為池形勢之險非不高深而卒之棄而弗守則官不衛民民亦不知自衛耳今東郭增修二關曰東湖門西湖門是又以湖為池矣水師邏守飛渡無由官以恩信結民民皆相相助內有足恃外不授瑕雖無高城深池猶可自固况有是江山之壯麗者乎

江夏縣志 卷一
學校圖



城池圖說

五




江夏縣志卷一

衙署圖說

衙署圖說

七

縣衙舊在貢院之東有典史衙有監獄有驛舍有城隍廟兵
火後皆沒入貢院而移縣衙於文昌門內之鐵佛寺寺創於
梁天監中屢廢屢興至是而變為官廨舊傳寺有怪異寺既
廢怪亦不作然居之者多不吉同治戊辰知縣恒琛乃於衙
東隙地建還鐵佛寺以存其舊庚午知縣王庭楨始建城隍
廟於花隄



江夏縣志卷一

名山圖

名山圖說

七



名山圖說

周禮職方氏正南曰荆州其山鎮曰衡山而禹貢則先曰荆及衡陽准荆州禹貢蓋言其地職方第舉其山耳第舉其一山故言衡不兼言荆以衡在正南也今方域與古稍異而堪輿之學又漸繁興統天下之全則曰南幹北幹論一方之脈則曰太祖少祖湖北省城以个字山為少祖自興國桃花尖走咸甯入江夏縣界賀勝橋過峽左界水西梁子湖右界水東梁子湖此个字山之來脈也其形如个分出三支中脈由呂冠山東陽山迴龍山錦繡山豐禾山油坊嶺黃屯山砂子嶺青龍山合寶山高嶺鉢孟山洪山雙峯山入會城高冠

山石城山至黃鶴山止於江左脈起老鴉山八分山至金口懷山亦止於江右脈豐禾山與靈泉山分支至梁子湖而止中閒一起一落形勢蜿蜒堪輿家謂之為龍龍變化不可測故相地者其說洗洋恣肆而亦莫可究詰也九峯山為省龍旁抽之脈亦分三支上至青山內至豹子澗下至武昌葛仙鎮




大川圖



名山圖說

九


山武昌入江



江夏縣志 卷一

鮎魚圖說


十一




江夏縣志 卷一

金口圖說

十二





四汛圖說

鮎魚金口山陂濟黃分四汛各設一巡檢司治其地蓋以四境遼濶知縣不能日徧歷於鄉村故以耳目寄之四人各察其所分治之地以告於知縣歲有豐歉田有肥饒民有秀瘠俗有美惡皆其耳目所聞見知縣復從而審察之則鉅細無遺可以不勞而理鮎魚在縣南距城五里水陸所轄計一百里金口在縣西南距城六十里水陸所轄計一百五十里山陂在縣南距城一百二十里水陸所轄計一百五十里濟黃在縣北距城三十里水陸所轄計一百里所分各鄉計爲里甲者若干

自某里至某里 爲場集者若干

自某場至某場 爲村莊者若干